

Ո Ր Ո Շ ՈՒ Մ

Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին

Ս. Գրիգորյան
17.06.19
AB

25.04.2019թ. *17-2-1777*
25.04.2019թ

ք.Երևան

Ճանապարհային ոստիկանության պետ, ոստիկանության գնդապետ Եգոր Կարապետյանս, վերանայելով Նարեկ Ադամյանի դիմումի շուրջ ստեղծված նյութերը՝

Պ Ա Ր Զ Ե Ց Ի

2019թ. մարտի 25-ին Երևան քաղաքի Հաղթանակ թաղամասի 11 փողոցի 91 տան բնակիչ Ն.Ադամյանը դիմում է հասցեագրել այն մասին, որ ստացել է վարչական տույժ նշանակելու մասին ԱԴ թիվ 818935 որոշումը, որի հետ համաձայն չէ, քանի որ երթևեկել է անվտանգության գոտիով ամրակապված վիճակում, սակայն ճՈ տեսուչը կանգնեցրել է իրեն և ենթարկել վարչական պատասխանատվության: Քաղ. Ն.Ադամյանը նշել է, որ ճՈ կարգախումբը երթևեկում էր իր աջ մասով և չէին կարող նկատել իրավախախտման փաստը, քանի որ իր ավտոմոբիլի դիմացի աջ և ձախ ապակիները մգեցված են:

Դիմումի ուսումնասիրությամբ պարզվել է, որ 2019թ. մարտի 18-ին ժամը 20.55-ին Երևան քաղաքի Մաշտոցի պողոտայում Ն.Ադամյանի վարած «Օպել» մակնիշի 34 RA 905 հաշվառման համարանիշի ավտոմոբիլը կանգնեցվել է ճանապարհային ոստիկանության ճՊԾ 1-ին սպայական գումարտակի 1-ին սպայական դասակի ավագ տեսուչ, ոստիկանության մայոր Գևորգ Հարությունյանի և նույն դասակի տեսուչ, ոստիկանության կապիտան Երվանդ Գասպարյանի կողմից ճԵԱԱՍՕ-ի խախտման համար, այն է՝ վարորդին ավտոմոբիլը վարել է անվտանգության գոտին չամրակապած վիճակում: Վարորդի նկատմամբ կազմվել է վարչական իրավախախտման վերաբերյալ արձանագրություն և, համաձայն ՎԻՎ ՀՀ օրենսգրքի 123.3 հոդվածի, կայացվել է ԱԴ թիվ 818935 որոշումը՝ վերջինիս 5.000 դրամ տուգանելու մասին:

Ըստ տեսուչների գրավոր բացատրությունների՝ իրավախախտումը հայտնաբերելուց հետո ավտոմոբիլը սահմանված կարգով կանգնեցվել է, տեսուչ Ե. Գասպարյանը մոտեցել է վարորդին, ներկայացել, հայտնել իրավախախտման բնույթն ու փաստաթղթերը ստուգելուց հետո կազմել է համապատասխան արձանագրություն: Վարորդը չի ընդունել իր կողմից թույլ տված իրավախախտումը և տեսուչներին հայտնել է, որ իրենք չէին կարող նկատել իրավախախտման փաստը, քանի որ իր ավտոմոբիլի ապակիները մգեցված են և արձանագրություն կազմելուց հետո հայտնել, որ համաձայն չէ խախտման հետ: Ն.Ադամյանը նշել է իր անհամաձայնությունն արձանագրության մեջ, ինչից հետո ստորագրել և ստացել է կազմված որոշման իր օրինակը: Տեսուչները հայտնել են նաև, որ նշված ավտոմոբիլի վարորդի իրավախախտումն եղել է ակնհայտ, պարզ տեսանելի, անմիջապես իրենց տեսադաշտում, քանի որ իրավախախտումը հայտնաբերել են համընթաց երթևեկելիս:

2019թ. ապրիլի 23-ին ծանուցագրի միջոցով, քաղ. Ն.Ադամյանը ճանապարհային ոստիկանության պետին հասցեագրած դիմումի քննարկմանը մասնացելու նպատակով՝ հրավիրվել է ճանապարհային ոստիկանության ճՊԾ բաժին, սակայն չի ներկայացել:

«Ճանապարհային երթևեկության անվտանգության ապահովման մասին» ՀՀ օրենքի 17-րդ հոդվածի, ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջացնում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, կատարված ուսումնասիրություններով պարզվել է, որ Ն.Ադամյանի արարքում առկա է վարչական իրավախախտումների վերաբերյալ ՀՀ օրենսգրքի 123.3 հոդվածով նախատեսված դեպքը, ուստի ելնելով վերոգրյալից և ղեկավարվելով վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով,

Ո Ր Ո Շ Ե Ց Ի

1. Ն.Ադամյանի դիմումը թողնել առանց բավարարման, իսկ ճանապարհային ոստիկանության ՃՊԾ 1-ին սպայական գումարտակի 1-ին սպայական դասակի տեսուչ, ոստիկանության կապիտան Երվանդ Գասպարյանի կազմած վարչական իրավախախտման արձանագրության հիման վրա 2019թ. մարտի 18-ին կայացրած ԱԴ թիվ 818935 որոշումը՝ Նարեկ Ադամյանին հինգ հազար դրամ տուգանելու մասին՝ անփոփոխ:
2. Սույն որոշման օրինակներն ուղարկել ճանապարհային ոստիկանության ՎԳ բաժանմունք և դիմումատուին:
3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:



Ե.Կարապետյան